

語文基本能力測驗試題

一、請解釋「」內字、詞的意義。(每題 4 分，共 20 分。)

- (一) 顏淵死，子哭之慟。從者曰：子慟矣！曰：有慟乎？非「夫人」之為慟而誰為？
- (二) 或謂孔子曰：子「奚」不為政？
- (三) 橘生淮南則為橘，生於淮北則為枳。葉徒相似，「其實」味不同。
- (四) 孟子「去」齊。
- (五) 彼節者有「閒」，而刀刃者無厚。

二、請閱讀以下短文後，回答問題。

<記孫觀事> 作者：朱熹

靖康之難，欽宗幸虜營。虜人欲得某文。欽宗不得已，為詔從臣孫觀為之；陰冀觀不奉詔，得以為解。而觀不復辭，一揮立就。過為貶損，以媚虜人；而詞甚精麗，如宿成者。虜人大喜，至以大宗城鹵獲婦餉之。觀亦不辭。其後每語人曰：「人不勝天久矣；古今禍亂，莫非天之所為。而一時之士，欲以人力勝之；是以多敗事而少成功，而身以不免焉。孟子所謂『順天者存，逆天者亡』者，蓋謂此也。」或戲之曰：「然則，子之在虜營也，順天為已甚矣！其壽而康也，宜哉！」觀慚無以應，聞者快之。

乙巳八月二十三日，與劉晦伯語，錄記此事，因書以識云。

請回答：

朱熹諷刺孫觀的重點為何？又如何寫孫觀的醜行？

(40 分)

三、請閱讀以下出自《三國志·吳書·張昭傳》的記載後，回答問題。

昭每朝見，辭氣壯厲，義形於色，曾以直言逆旨，中不進見。後蜀使來，稱蜀德美，而群臣莫拒，權歎曰：「使張公在坐，彼不折則廢，安復自誇乎？」明日，遣中使勞問，因請見昭。昭避席謝，權跪止之。昭坐定，仰曰：「昔太后、桓王不以老臣屬陛下，而以陛下屬老臣，是以思盡臣節，以報厚恩，使泯沒之後，有可稱述，而意慮淺短，違逆盛旨，自分幽淪，長棄溝壑，不圖複蒙引見，得奉帷幄。然臣愚心所以事國，志在忠益，畢命而已。若乃變心易慮，以偷榮取容，此臣所不能也。」權辭謝焉。

權以公孫淵稱藩，遣張彌、許晏至遼東拜淵為燕王，昭諫曰：「淵背魏懼討，

注：背面有試題

遠來求援，非本志也。若淵改圖，欲自明於魏，兩使不反，不亦取笑於天下乎？」權與相反覆，昭意彌切。權不能堪，案刀而怒曰：「吳國士人入宮則拜孤，出宮則拜君，孤之敬君，亦為至矣，而數於眾中折孤，孤嘗恐失計。」昭熟視權曰：「臣雖知言不用，每竭愚忠者，誠以太后臨崩，呼老臣於床下，遺詔顧命之言故在耳。」因涕泣橫流。權擲刀致地，與昭對泣。然卒遣彌、晏往。昭忿言之不用，稱疾不朝。權恨之，土塞其門，昭又於內以土封之。淵果殺彌、晏。權數慰謝昭，昭固不起，權因出過其門呼昭，昭辭疾篤。權燒其門，欲以恐之，昭更閉戶。權使人滅火，住門良久，昭諸子共扶昭起，權載以還宮，深自克責。昭不得已，然後朝會。

習鑿齒評論張昭的言行，曰：

「張昭於是乎不臣矣！夫臣人者，三諫不從則奉身而退，身苟不絕，何忿懣之有？且秦穆違諫，卒霸西戎，晉文暫怒，終成大業。遺誓以悔過見錄，狐偃無怨絕之辭，君臣道泰，上下俱榮。今權悔往之非而求昭，後益回慮降心，不遠而復，是其善也。昭為人臣，不度權得道，匡其後失，夙夜匪懈，以延來譽，乃追忿不用，歸罪於君，閉戶拒命，坐待焚滅，豈不悖哉！」

請回答：

- (一) 習鑿齒批評張昭的背後理據為何？(20分)
- (二) 你覺得習鑿齒的批評合理嗎？請說明。(20分)

注意：背面有試題